

活陳皮一例。參。

丹參 紅花 烏藥 赤芍 桃仁 澤蘭 延胡

獨活 陳皮 溫服

土八 養血和中

吐衄便紅推土八。歸身續斷與丹參。青紅茜赤。檀翹壳。養血和中力自深。

歸身 續斷 丹參 青皮 紅花 茜草 赤芍

檀肉 連翹 枳壳 微溫服

革一 治痧氣血阻塞

下十七 土六不遂 土七內傷去革一血

革一同前血阻明。肝心肺部患非輕。疾荆荷赤青陳等案。有銀翹膝益名。

白蒺末 荆芥 炒黑 薄荷 赤芍 青皮 陳皮 等分

微冷服 溺血案加銀花連翹牛膝益母

革二

眼目奇痧革二方。梔翹丹決斛銀涼。壳牛芍茜加童便。外有當歸可酌量。原歌夾列當歸

黑梔 連翹 丹皮 草決明 石斛 銀花 枳壳

牛膝 赤芍 茜草 臨服加童便

革三

目症革三須穀精。連通菊賊芍羌荆。羚羊生地兼生草。更有將軍望月明。

穀精 黃連 木通 甘菊 木賊 赤芍 羌活

荆芥 羚羊 生地 生草 大黃 望月沙 煎服

革四

革四牙疳中白主。官礪粉黛共肩差。二茶荷草黃連等。冰片珠牛拭腐吹。原歌缺雨前茶。

人中白 三錢 官礪 花粉 青黛 各錢 兒茶 雨前茶

薄荷 甘草 黃連 各五分 冰片 一分 珠子 牛黃 各

半分 研無聲濃茶拭淨去腐吹。

革五 行經痧散

倒經革五婦人科。腹脹痧攻血衄多。桃附青紅檀獨細。放
痧煎用便沖和。

桃仁 香附 青皮 紅花 山檀 獨活 細辛

水煎加童便飲

革六

胎前革六解痧虞。益附紅荆葡麩俱。桑寄難求辛略減。煎

成沖服與砂須。

紅花亦少用

益母

香附

紅花

荆芥

荀子

神麩

桑寄生

細辛

沖砂仁未服

革七

革七原知產後虛散痧須是帶消瘀。櫛銀丹益柴牛獨烏
斛陳辛絞痛除。

山櫛

銀花

丹參

益母

柴胡

牛膝

獨活

烏藥

石斛

陳皮

細辛

水煎

革八

革八仍前產症求。櫨銀丹益獨柴牛。別加桃艾蘇薑附。縱有諸邪不用憂。

山櫨 銀花 丹參 益母 獨活 柴胡 牛膝

桃仁 艾葉 蘇木 薑黃 香附

木一

痘前木一看筋先翹壳荆防用必兼。芎桔青紅櫨。荀子散。痧發痘自安全。

連翹 枳壳 荆芥 防風 牛蒡 桔梗 青皮

紅花 山櫨 荀子 牛蒡原歌有方無

木二 治痧後熱毒流連不已。

木二瘡瘍熱毒攻。羌莠歸膝穗翹通。青皮蟬退紅花合。腫痛都隨痧氣空。

羌活 牛蒡 當歸 牛膝 荆穗 連翹 木通

青皮 蟬蛻 紅花 等分 溫服

木三 消痧後餘毒竊發

紅腫純陽用木三。荆蒡土貝菊銀甘。翹通紅紫兼桃肉。竊

發無虞痧毒酣。
原歌少紅花

荆芥 牛蒡 土貝 甘菊 銀花 甘草 連翹

木通 紅花 紫花地丁 等分 胡桃肉 一枚 温服

木四 治痧後餘毒流連氣血不能即潰者。

本四流癩毒潰遲。銀紅歸草貝參芪。芷檀角膝胡桃肉。莫

使流連氣血移。原歌少膝

銀花 紅花 當歸 甘草 貝母 人參 黃芪

白芷 山檀 角刺搗牛膝 加桃肉一個煎七分空

心温服

木五 痧後熱毒癩疔疼痛不已。

木五癩疔芍大黃粉連乳沒貝雄蒴穿山甲與生甘草研

末五分調蜜湯。原歌少粉莠草

赤芍 二錢 大黃 炒一錢 晒一錢 花粉 黃連 乳香 淨 沒藥 淨

川貝 去心炒 雄黃 牛蒡 一錢 炒 穿山甲 土炒 八分

生甘草 七分 共研末蜜湯調服五分。

木六 痧氣退盡。氣血虛弱者。用木六七方補之。

木六防邪痧後滋。芎歸地芍補虛羸。參苓朮草陳芪并好待痧清應候施。

川芎 當歸 熟地 白芍 人參 茯苓 白朮

生甘草 陳皮 黃芪 水煎空心服。

木七 痧退調理

木七再商痧後藥。銀朮貝藥扁歸櫛。人參甘草無多用。蓮肉胡桃作引加。

銀花 牛蒡 土貝 山藥 白扁豆 當歸 山櫛

各一錢 人參 四分 甘草 三分 蓮肉 六枚 桃肉 一個 空心服

木八 治數患痧者。必待全愈。然後服之。以絕其根。

若痧氣未除。則不可服。恐甘者作脹。熱者助邪耳。

木八能教痧絕根。待他全愈。妙方存。鹽礬甘草乾薑共米

飯為丸湯帶溫。

食鹽炒明礬 火飛各兩 川烏炒 甘草 各五錢 乾薑 三錢

共為細末。米飯為丸。每服一錢。白湯溫下。新犯痧者。一

二服即愈。久犯痧者。十服全愈。蓋甘草以助胃。薑烏以

充胃。明礬以解毒。食鹽以斷痧。誠為良方。人屬虛寒。必

加培多服。方能有效。

八丸 金七八石一七絲一匏一土五木八

丸末 石二四五絲一二三四五竹五木五

兩次 竹一革四

四十六湯 內附溫方 加減法 金一五絲八

本草 下廿一 木七痧後 木八斷痧 七

應用羣方第十七

玉樞丹 治瘴氣蠱毒。解惡藥服砒毒。茵河豚。死牛馬肉。

狐狸鼠蟻之毒。蛇犬惡蟲所傷。一切瘡疽發背。瘡疹赤

腫諸瘤。不服水土。隨手取應。

山茨菇 俗名金燈籠。葉似韭。花似燈籠。色白。上有黑點。

結子三稜。二月苗。三月花。四月枯。於苗時記地。秋冬空

得之。上有毛裏。此味不真。則不效。去皮焙二兩。文蛤 卽

五焙子。搥破洗焙乾。秤三兩。紅芽大戟 去蘆焙乾兩半。

千金子 卽續隨子。去壳研去油。取霜兩。麝香 研末三錢。

上三味爲末入千金麝香研勻

和糯米濃飲木臼內杵

千餘分爲四十錠宜當午七夕重陽淨室修製毋令女人孝子鷄犬見每用一餅薑汁薄荷湯研服并華水冷磨亦得通利兩次無妨用溫粥補孕婦不可服

癰疽發背未破時用涼水磨塗並服良久覺痒卽消陰陽二毒傷寒心悶狂亂胸滿邪毒未發并瘟疫嵐障纏喉風痧脹腹疼冷水入薄荷一小葉同磨下

急中風顛鬼胎鬼氣用無灰酒下

縊溺心頭暖者驚死鬼迷未隔宿者並井水磨灌

蛇犬蜈蚣傷冷水磨塗。

新久諸瘡當日桃柳枝煎湯磨下。

小兒急慢驚風五疳二痢蜜水薄荷葉同磨下。牙關緊急磨塗并服。

牙痛含少許吞下。

湯火傷東流水磨塗。

跌打傷損炒松節無灰酒下。

頭疼太陽痛酒磨爛塗紙貼太陽穴。

諸癩口喎斜唇眼掣反夜睡多涎言語蹇澁卒中風口

禁筋攣。肢節腫痛並用酒磨下。

牛黃八寶丹 治痧發斑發狂。渾身赤紫。痧後毒瘍。隨消

元參 瓦焙 明雄黃 各五錢 羌活 炒 川黃連 土炒 犀角

羚羊角 川貝母 炒去心 乳香 淨 沒藥 各三錢 青黛 水

澄二錢 珍珠 四分 劈砂 水飛五錢 牛黃 冰片 各二錢

右法製細末外將揀淨銀花、甘菊、紫地丁 各二兩

甘草 五錢 長流水五碗、砂鍋慢火煎至半、取汁絞濾清

桑柴熬膏、入煉蜜蓋許、再熬粘箸、和前末丸、每丸三分、

幼一九、長二丸、蜜湯調服、牛黃冰片過多擬用二分

仙方腦麝丸 治嵐瘴解茶痰酒渴除伏暑退心熱止喉

疼開目霧及赤白痢一切火症神效。

黃藥子 白藥子 各三兩 天花粉 二兩 川連 兩 用心擇

過碾末篩細止用頭末 廣木香 三錢 沉香 二錢 麝香

五分 片腦 三分 猪胆調蒸爲丸每丸一分。

瘴氣痰渴老年痰火臨卧噙化三丸暑路常噙一丸止

渴消暑如感大熱用五七丸同好茶一撮鹽梅一個搗

碎并華水調下心熱頭疼目霧噙化三五丸赤痢用茅

根汁搗七丸白痢用茶梅搗服炒脹面赤身熱喘急昏

迷者服下即甦

鬱金丸 隨常痧症腹痛者一服見功。且治九種心疼。

五靈脂

醋炒一兩

延胡索

八錢

砂仁

炒

生明礬

各五錢

木

香 不見火

真鬱金

勿用薑黃代

雄黃為衣

各三錢

神麴糊丸 荀子大每卅五六丸唾津咽下 須少用溫水

煉石丹

痧脹通用

水不可丸竟用神麴糊亦得

千年石

即陳石灰水飛兩

松根石

即真琥珀三錢

水骨

石

即白滑石水飛二錢

水滴為丸表熱煩燥者青黛

為衣眩暈心悶者硃砂為衣每二錢垂頭蘆粟湯下

硫礬九 硫黃 明礬 各四兩 同入罐用豆腐漿煮一日

夜去腐渣再慢火熬至乾燥連罐埋地三尺三日取出

成紫金色下一層有泥渣不用 茯苓 山藥 各三兩

二味同蒸晒乾露一宿 當歸 酒洗炒燥四兩 白蒺藜

酒浸一宿炒燥四兩 烏藥 畧炒三兩 半夏 水浸一宿入

薑汁二兩明礬五錢角刺切碎兩同煮多用水煎乾三

兩 杏仁 去皮尖焙兩半 陳皮 去白二兩 炒燥一兩 共細

末同製硫礬用膠棗肉丸菘豆大每清晨鹽湯下錢半

臨卧白湯下一錢

有人病痧十年發則叫喊暈死。或用醋灰熏鼻。或鹽湯探吐。并用華陀危病方。畧得解醒後服此丸。全愈除根。予屢行多效。真神方也。

附華陀危病方

吳茱萸

木瓜

食鹽

各五錢同炒焦

砂罐水三碗煮百沸。隨病人冷熱任意服之。卽甦。

潤下丸

治大腸燥實二便秘結。痧毒壅盛者。

大黃

酒製四兩

黑丑炒

頭末二兩

牙皂煎汁丸。鳳仙子

大每服一錢多。至二錢止。燈心湯下。不獨潤腸兼利

小便。

治膨香圓丸 或水或食或氣俱治。

蘿蔔子 炒六兩 陳香圓 四兩 醋製香附 三兩 廣皮 去白

荆三稜 醋炒 蓬莪朮 醋炒 澤瀉 茯苓 各二兩 山楂 去

核 青皮 去瓢各兩 神麩糊丸 豌豆大每服五六十丸米

飲下

大羌活湯 經云兩感者死不治。一日太陽與少陰俱病

頭痛發熱惡寒口乾煩懣而渴太陽者府也。自背俞而

入。人所共知。少陰者藏也。自鼻息而入。人所不知也。鼻

氣通于天。故寒邪無形之氣從鼻而入。腎為水。水流濕。

故腎受之。又云天之邪氣感則害人五臟。以是知內外
兩感臟腑俱病。欲表之則有裡。欲下之則有表。表裡既
不能一治。故死矣。然所稟有虛實。所感有淺深。虛而感
之深必死。實而感之淺猶或可治。

羌活 獨活 防風 防已 黃芩 黃連 蒼朮

白朮 細辛 炙草 各等分 知母 川芎 生地 倍之

俱片每服兩半煎一大盞熱飲之。不解再服。

此解利兩感神方也。若痧症與此彷彿亦以是方加減
而選用之。

加減聖效散。治傷寒時疫風濕。陰陽兩感。表裡未辨。或

外熱內寒。或外寒內熱。肢節拘急。頭項腰脊疼痛。發熱

惡寒。嘔逆喘咳。鼻塞聲重。及食飲生冷。傷在胃腕胸膈

飽懣。腸脇脹痛。心下痞結。手足逆冷。腸鳴泄瀉。水穀不

消。小溲不利等症。東坡泄杭多疫。設劑活衆。原名聖

散子。今有痧症相類。療之悉效。

藟子炒 砂仁炒研 檳榔 陳皮 延胡各八錢 厚朴

防風 蒼朮 藁本 藿香葉 柴胡 獨活 石菖

蒲 澤瀉 枳殼 細辛各五錢 草豆蔻去壳十個

共粗末。每五錢。水盞半煎。一盞去滓。溫服。不計時候。取
遍身微汗。卽愈。時氣不和。空心飲之。可辟邪疫。

如聖散。治當心而痛。遍身骨節牽疼。或嘔吐惡心。不時

發作者。兼治疝氣勞根。此方可補痧脹所不逮。

枳壳 麩炒三兩 小茴 微炒三錢 鹽磚 錐上燒紅三分

爲細末。每服二錢。溫酒調下。如不止。再服一錢。

失笑散。治血迷心竅。不知人事。婦人產後心腹絞痛。及

腹中瘀積血作痛者。男婦慣發痧脹。服此永不再犯。

靈脂 去砂炒 蒲黃 炒等分 爲末。每一二錢。溫酒調下。

普濟消毒飲。泰和間疫癘。初憎寒壯熱體重。次傳頭面

腫盛。目合喉喘。舌乾口燥。俗云大頭傷寒。諸藥莫治。東

垣云身半以上。天之氣也。邪熱客於心肺。上攻頭面而

為腫耳。製方活衆刻石以傳。醫方集解。此方微有不同

黃芩 黃連 各酒炒五錢 牛蒡 大黃 各三錢 陳皮 去

白 元參 生甘草 連翹 板籃根 各二錢 馬勃 錢一 川

芎 防風 各八分 殭蠶 炒 升麻 柴胡 各七分 薄荷 五

分 桔梗 三分 共細末半用湯調頻服。半用蜜丸噙化

盡劑而愈。或水煎食遠温服。原無大黃便秘加用酒煨

祛瘴辟瘟丹 治時疫痧瘴。老幼男婦皆同者。

厚朴 蒼朮 羌活 防風 陳皮 枳實 香附

牛蒡子 各一錢 檳榔 白芷 各八分 藿香 川芎 各五

分 細辛 四分 甘草 三分 薑葱煎服

無汗 加蘇葉薄荷 口渴 花粉葛根 身重汗出 防已石膏

溫瘧 柴胡半夏 遍身疙瘩腫痛 藍葉大黃殭蠶 肌肉發

紅黑紫斑 元參大青連翹 大便秘結 大黃 先中熱又中

暑 加白虎香薷 頭疼 川芎 風溫身體灼熱 芩連梔子 咳

嗽涕唾頭目昏眩 荆芥金沸草 金沸草即旋覆花

白虎湯。治温病身熱。自汗口乾。脉來洪大。霍亂傷暑發

痧。神妙。

石膏 煨五錢
知母 三錢
甘草 一錢
粳米 一撮

病在陽明肌肉。則巨陽之表邪已解。故外不惡寒。又無頭痛身疼之症。但自汗而發熱也。經目熱淫所勝。佐以苦甘。以知母甘草解其熱。蓋熱則傷氣。用粳米甘草之甘。以益其氣。且治不眠煩躁也。煩者肺。躁者腎也。以石膏為君。佐知母之苦。以清腎之源。因石膏體堅而重墜。

知母沉寒而走下。故用米草之甘以緩之。使不速達于下焦也。白虎金神司秋者也。暑火至秋而衰。且知母苦寒。又能保太陰肺金之氣。故名白虎。以爲三陽經一解表藥耳。雖是三陽解表藥。切記有汗當施。無汗當戒。蓋無汗者。必須柴葛升麻以解表邪。不可見其身熱。誤用白虎。以鬱遏其熱。使不能外越也。

汾嘗驗溫病久而無汗。有必兼白虎乃解者。溫瘧宜桂枝。白虎醫方集解明言之矣。至于柴葛升麻。亦自各有所宜。傷寒論注等書自悉。

記異症方案一條。清江劉姓年四旬。遇疫遭數喪。自外

歸。母病旋卒。遂成驚悸不寐。略睡去卽叫跳。其心如蕩。

如撞。服天王補心丹之類。半月不效。予用奇方製就琥

珀丸。三服遂定。每服三分三厘共一錢又變怪症。飲食如

故。忽然目翻。涎流。喊如羊。其頭側過左肩。手亦向左反

張。突起旋走。面如土色。食頃稍甦。日夜百番。或曰羊癇。

曰瘧病。然癇症當見怪脈。今無脈。非五癇可知。若作瘧

治。用麻黃發汗。續命驅風。恐立斃耳。予書原載。角弓痧

症畧相似。卽投煉石丹一服。日夜各減半。二服日全不

發晚止數次。三服全愈。但面色不正。另立丸方調理而痊。

真琥珀 同燈心研四錢 辰砂 研細取猪心血和仍放入

心內濕紙包煨心熟為度取出晒乾五錢 整大半夏一兩

洗淨同薑汁半盞牙皂白礬各三錢煮透心極熟晒乾

用八錢 胆星六錢 石菖蒲 炙草 各五錢 棗仁二兩 遠

志肉 白茯神 橘紅 歸身 柏子仁 山藥 麥

冬各一 煮棗肉丸梧子大金箔為衣每服三十九臨卧

圓眼灯心湯下 此丸兼治怔忡健忘驚悸顛癇等症

加味活命飲 一切痧後留滯熱毒發為癰腫發背疔疽

穿山甲 土炒 銀花 大黃 各三錢 歸尾 陳皮 各錢半

花粉 赤芍 生地 薄荷 防風 白芷 貝母

甘草節 乳香 各一錢 沒藥 淨 角刺 各五分 以上三味後下

毒在背 加角刺錢半 在腹 加白芷 在胸 加薏仁二錢 在

頭面手足 加銀花五錢 水入大瓦瓶封口煎溫服側睡

忌鐵器酸味諸毒物 一方無軍地荷好酒煎大潰勿服

六一散 降火利竅解煩渴 無濕者多服反耗津液加渴

水飛滑石 六兩 粉草末 一兩 夏月涼水調飲加硃砂名益

元散 治小兒身熱咳嗽微帶驚風灯心湯調服屢效
治腹痛法 取大公雞一隻其人仰卧放肚上鷄卽伏好
疼止卽跳下而愈此法試過亦驗

又法 凡痧屬肝經者多肝附于背第七骨節間遇犯痧
者先循其七節骨縫中將大指甲重掐入候內骨節响
方止以鹽塗之如不响卽將鹽重擦必使透入遂能止
疼

補原本未列方 五苓胃苓六和正氣見論吐下瀉痧
霍亂痧水腹痛痧

五苓散加減。去桂卽四苓白朮換蒼朮加末二味

猪苓 茯苓 澤瀉 蒼朮 泔浸 車前 木通

胃苓湯。去白朮桂草 卽前上四味加製厚朴陳皮去白

六和湯。厚朴 錢五分 赤苓 藿香 扁豆 木瓜 蒼

朮 各一錢 砂仁 半夏 人參 杏仁 甘草 各五分

暑加香薷冷加紫蘇一方無蒼朮一方有白朮

藿香正氣散 藿香 紫蘇 白芷 茯苓 腹皮 各三

錢 桔梗 紫蘇 陳皮 白朮 土炒 半夏麴 各二錢 甘

草 一錢 每五錢水煎 此與六和薑棗引勿輕用 或加

木瓜 傷食重者加消食藥 元氣虛弱人慎用

續附絡痛方案 一客匠年十六發熱久之胸脇痛脈細

弱或作勞怯治嘔噦便閉小腹脹急或叅用左金便溺

通而痛愈緊夜尤甚小便赤色投痧症藥亦未效儒醫

孫敬承云脈無變而胸前不可手近其痛在絡用金鈴

子肉 一個 元胡 錢一 萋皮 錢一 生香附 錢半 陳大麥仁 三錢

煎飲一服而愈金鈴入絡佐以元胡氣血俱通似於痧

宜而書中未收附記於此

又海浮石治痰甚妙並附後

金鈴子 卽川棟子

苦寒能導小腸膀胱之熱因引心

包相火下行通利小便

脾胃虛寒者忌 肉與核

不並用

海石 一名浮石

鹹軟堅寒潤下止嗽止渴通淋化上

焦老痰消結核

原敘言康熙庚戌有滌痧丸引刻于毘陵此書症案中

屢言滌痧散而方竟失載續當訪補

附景岳刮痧新按

向余荆人年及四旬。於八月終初寒之時。偶因暴雨後。中陰寒沙毒之氣。忽於二鼓時。上爲嘔惡。下爲胸腹攪痛。勢不可當。時值暮夜。藥餌不及。因以鹽湯探吐之。痛不爲減。遂連吐數次。其氣愈升。則其痛愈劇。因而上塞喉。嗌甚至聲不能出。水藥毫不可入。危在傾刻間矣。余忽憶先年曾得秘傳刮痧法。乃擇一光滑細口磁碗。另借熱湯一鍾。入香油一二匙。却將碗口蘸油湯內。令其煖而且滑。乃兩手覆執其碗於病者背心。輕輕向下刮之。

以漸加重。碗乾而寒。則再浸再刮。良久覺胸中脹滯漸
有下行之意。稍見寬舒。始能出聲。頃之忽腹中大響。遂
大瀉如傾。其痛遂滅。幸而得活。瀉後得睡一飯頃。復遍
身搔癢之極。隨發出疙瘡風餅如錢大者。不計其數。至
四鼓而退。愈後細窮其義。蓋以五臟之繫。咸附於背。故
向下刮之。則邪氣亦隨而降。凡毒氣上行。則逆。下行則
順。改逆爲順。所以得愈。雖近有兩臂刮痧之法。亦能治
痛。然毒深病急者。非治背不可也。至若風餅疙瘡之由。
正以寒毒之氣。充塞表裡。經臟俱閉。故至危劇。今其臟

毒既解。然後經氣得行。而表裡俱散也。可見寒邪外感之毒。凡臟氣未調。則表亦不解。表邪未散。則臟必不和。此其表裡相關義自如此。故治分緩急。權衡在人矣。繼後數日。一魏姓者。亦於二鼓忽患此症。治不得法。竟至五鼓痛極而斃。遇與不遇。此其所以爲命也。

又鍼灸法

刺委中穴出血。或刺十指頭出血。皆是良法。今西北人。凡病傷寒。熱入血分而不解者。悉刺兩手腕中出血。謂之打寒。蓋寒隨血去。亦卽紅汗之類也。故凡病後寒。霍亂

者亦宜此法治之。今東南人有刮痧之法。以治心腹急痛。蓋使寒隨血去。則邪達於外。而臟氣始安。此亦出血之意也。

霍亂吐瀉不止。灸天樞氣海中脘三穴。立愈。

霍亂危急將死。用鹽填臍中。灸二七壯。立愈。

轉筋十指拘攣不能屈伸。灸足外踝骨尖上七壯。

救急良方

霍亂絞腸痧。以針刺其手指近甲處一分半許。出血卽安。仍先自兩臂膊下。令惡血聚於指頭後刺之。